



Directivas per l'instrucziun da nudar

Art. 1

Champ da validitad

Questas directivas preciseschan las prescripziuns per l'instrucziun da nudar tenor il Plan d'instrucziun 21 GR sco er per activitads da scola en l'aua.

Art. 2

Instrucziun da nudar

¹ Tenor il Plan d'instrucziun 21 GR èn ils purtaders da scola obligads da porscher sche pussaivel occasiuns per l'instrucziun da nudar.

² Il purtader da scola fa la surveglianza ed ha la responsabladad.

² Per cuntanscher las finamiras da l'instrucziun è necessaria ina instrucziun da nudar regulara. Ils purtaders da scola tschernan soluziuns adequatas per cuntanscher las finamiras da l'instrucziun. L'instrucziun da nudar po avair lieu tant en bogns publics sco er en bogns d'hotels u en bogns averts.

Art. 3

Persuna d'instrucziun
cun ina scolaziun
specifica dal rom

¹ L'instrucziun da nudar vegn manada d'ina persuna d'instrucziun cun in brevet reconuschì. En in bogn surveglià vegn premiss in brevet basis pool da la Societad Svizra da Salvament (SSS), en in bogn betg surveglià in brevet plus pool. Reconuschidas èn er scolaziuns equivalentas d'ina outra instituziun sco per exempel la IGBA.

² Igl è pussaivel da repartir la scolaziun relevanta per la segirezza (persuna cun in brevet reconuschì) e la scolaziun pedagogica (persuna d'instrucziun) sin duas personas. En quest cas vegn recumandà in teamteaching d'ina persuna spezialisada (p.ex. instructura u instructor da nudar, manadra u manader aqua-prim.ch u sumegliant) cun in brevet reconuschì e d'ina persuna d'instrucziun (p.ex. persuna d'instrucziun da classa).

³ La persuna spezialisada e la persuna d'instrucziun frequentan furmaziuns supplementaras correspudentas en didactica dal rom.

³ L'obligaziun da frequentar scolaziuns e furmaziuns supplementaras è reglada en l'aggiunta tar la disposiziun da l'uffizi davart la furmaziun supplementara obligatorica.

Art. 4

Persunas
accompagnantas

¹ A partir da 12 scolaras e scolaras èsi d'engaschar ina persuna accompagnanta.

² La persuna accompagnanta è qualifitgada suffizientamain per surpender las incumbensas attribuidas. La repartiziun da las incumbensas e da las rollas tranter la persuna cun il brevet e la persuna accompagnanta ston esser scleridas.

³ Pro 24 scolaras e scolaras dovri ina persuna cun in brevet ed ina persuna accompagnanta, ina da las duas personas è ina persuna d'instrucziun.

**Art. 5**

Il Plan d'instrucziun 21 GR fixescha sco cumpetenzza da basa en il 2. ciclus che tut las scolaras ed ils scolars san sa mover en moda segira en l'aua e san nudar. Per controllar las cumpetenzas duai vegnir applitgada la controlla da la segirezza en l'aua (CSA) dal Post da consultaziun per la prevenziun d'accidents (PPA) u ina metoda d'examinaziun sumeglianta.

Controlla da las
cumpetenzas

Art. 6

Questas directivas entran en vigur a partir dal 1. d'avust 2024.

Entrada en
vigur